



UNIVERSITÄTS-
BIBLIOTHEK
PADERBORN

Universitätsbibliothek Paderborn

Capitvlaria Regvm Francorvm

Additae sunt Marculfi monachi & aliorum formulae veteres, & Notae
doctissimorum virorum

Baluze, Etienne

Parisiis, 1677

Admonitio de sequenti capitulo Bajuvariorum.

urn:nbn:de:hbz:466:1-19366

climandum injunximus. scilicet ut studiosè catholicorum patrum dicta percurrens, veluti è lectissimis eorum pratis certos quosque flosculos legeret, & in unum quæque essent utilia quasi sertum aptaret. Qui nostræ cellitudini devotè parere desiderans, tractatus atque sermones diversorum catholicorum patrum perlegens, & optima quæque decerpens, in duobus voluminibus per totius anni circulum congruentes cuique festivitati distinctè & absque vitii nobis obtulit lectiones. Quarum omnium textum nostra sagacitate perpendentes, nostra eadem volumina auctoritate constabilimus, vestraque religioni in Christi Ecclesiis tradimus ad legendum.

ADMONITIO

De sequenti Capitulari Bajuvariorum.

FOEDIFRAGVS ille Dux Bajuvariorum Thasilo cum fidem Karolo Magno promissam levitate sua saepe mutasset, novàsque insuper res ab uxore Luitpurga persuasus adversus eum moliretur, tandem de principatu ab eo eiectus est anno Christi septingentesimo octuagesimo octavo, ut ait continuator Pauli Diaconi à Marquardo Frebero editus. Nam Karolus audio Thasilonem concitasse Hunnos seu Avaros ut bellum Francis inferrent, multaque alia, ut Eginhardus scribit, dixisse & fecisse quæ non nisi ab inimico & irato vel fieri vel profecti poterant, habito generali populi sui conventu in villa Ingelenheimensi juxta Moguntiam, in quo, ut Marcus Velserus tradit, Franci, Boij, Langobardi, Saxones, ceterique provinciales convenere, & accusatores audivit, & reum peregit. Cum nullum accusationis caput negaretur, uno omnium adfensu, inquit Eginhardus, ut lætæ majestatis reus capitali sententia damnatus est. Sed clementia Regis licet morti addictum liberare curavit. Nam mutato habitu in monasterium missus est, ubi tam religiosè vixit quàm libens intravit. Ista ultima Eginhardi verba, quæ apud Aimoinum quoque leguntur, Velserus acri judicio præditus vir dubiam apprimè & ancipitem sententiam vocat, sed quam domestici annales opportunè in commodiorem partem interpretantur, nimirum eluisse benefactis superiores maculas. Sanè Thasilonem postea obscuram admodum vitam duxisse hinc manifestè colligitur quòd nondum inter auctores constat de monasterio in quod projectus est ad agendam penitentiam. Ac si verum est eum in Gemmeticensi monasterio vitam finisse, falsa omnino sunt quæ de prodigijs & miraculis ad sepulchrum ejus patratis vulgò circumferuntur. Vicunque se res habeat, certum est illum principatu exutum ut perduellionis reum, vacuam fecisse provinciam. Eam Karolus non ita multò post ordinavit, descriptamque Comitibus hoc est judicibus regendam tradidit, legesque veteribus addendas proposuit Reginoburgi in Bajoaria, quas Velserus ex veteribus membranis edidit in libro quinto rerum Boicarum. Sunt autem illæ quas nos heic exhibemus.

